



ԸՆԴՈՒՆԵԼ ՈՒԹՅՈՒՆՆԵՐ ՄԱՅՐ ԱԹՈՒՈՒՄ

ՕՇԱԿԱՆՈՒՄ ԿԿԱՌՈՒԹՎԻ «ՅԻՐԱՆՍԱՀԱՅԿԱԿԱՆ
ԲԱՐԵԿԱՄՈՒԹՅԱՆ ՏՈՒՆ»

ԳԱՐԵԳԻՆ Ա ԿԱԹՈՂԻԿՈՍԸ ԸՆԴՈՒՆԵՑ ԱԼՃՈՐՎԻԼԻ ԲԱՂԱՔԱՊԵՏԻՆ

Հուլիսի 6-ին Նորին Սրբության Գարեգին Ա Ամենայն Հայոց Կաթողիկոսն ընդունեց Ֆրանսիայի Ալֆորվիլ քաղաքից ժամանած 27 ֆրանսիացիներից և ֆրանսահայերից բաղկացած պատվիրակությանը՝ քաղաքացիական Պրն. Ռընե Ռուֆեի գլխավորությամբ: Հյուրերին ուղեկցում էին Արագածոտնի մարզպետ Պրն. Հրաչյա Գրիգորյանը և թեմի առաջնորդ Նավասարդ վրդ. Կնոյանը:



Պրն. Ռուֆեն իր և ներկաների անունից ողջույնի և երախտագիտության խոսք ասաց Նորին Սրբությանը՝ ընդունելության համար, և ներկայացրեց պատվիրակության անդամներին:

Ջերմ և մտերմիկ գրույցի ընթացքում Ալֆորվիլի ֆաղափապետը պատմեց Արագածոտնի մարզում իրենց կողմից իրականացվելիք շինարարական աշխատանքների, մասնավորապես Օշականում կառուցվելիք «Ճրանսահայկական Բարեկամության Տան» մասին, որի ուղղությամբ արդեն գործնական աշխատանքներ են տարվում: Տարածքը, որտեղ վեր կեանքի Բարեկամության տունը, տրամադրելու է Մայր Աթոռ Ս. Էջմիածինը, և շինարարական աշխատանքների ավարտից հետո այն իր հարկի տակ կհյուրընկալի մոտ 100 այցելուներ:

Գարեգին Ա. Վեհափառ Հայրապետը զննհատաճի և շնորհակալության անկեղծ խոսքեր ուղղեց հյուրերին՝ հայ ժողովրդի նկատմամբ ցուցաբերած վերաբերմունքի համար, և իր Հայրապետական օրհնությունը տվեց նրանց:

Ջրույցից հետո հյուրերը մեծ հետաքրքրությամբ ծանոթացան Վեհարանի և Գանձատան մշակութային և հոգևոր արժեքներին: Ապա, ի պատիվ մեծահարգ հյուրերի, Վեհարանի ճաշարանում տրվեց հյուրասիրություն:

Հյուրասիրությունից հետո Գարեգին Ա. Կաթողիկոսը և Պրն. Ռուճեն պատվիրակության անդամների հետ մեկնեցին Օշական՝ տեղում ծանոթանալու և նշտելու Բարեկամության տան կառուցմանը վերաբերող հարցերին:

ԸՆԴՈՒՆԵԼՈՒԹՅՈՒՆ Ս. ԷԶՄԻԱԾԻՆՈՒՄ՝ ՀԱՅ ԱՎԵՏԱՐԱՆԱԿԱՆ ԵԿԵՂԵՑՈՒ 150-ԱՄՅԱԿԻ ԱՌԹՎ

Կիրակի օրը, Հուլիսի 7-ին, Նորին Արքունիքում Գարեգին Ա. Ամենայն Հայոց Կաթողիկոսը Վեհարանի Հանդիսությունների դահլիճում ընդունեց Հայ Ավետարանական Եկեղեցու 150-ամյակի առիթով Հայաստան ժամանած պատվիրակության անդամներին՝ Հայ Ավետարանական Եկեղեցու ընդհանուր նախագահ Մովսես Զամբազյանի գլխավորությամբ:

Վերապատվելի Մովսես Զամբազյանը Վեհափառ Հայրապետին ներկայացրեց հյուրերին, որոնք ժամանել էին Ճրանսահայից, Գերմանիայից, Անգլիայից և Միացյալ Նահանգներից, և տեղեկացրեց, որ մինչ Հայաստան գալը, Փարիզում, Կազակերպությունը մեծ շուքով տոնել է իր եիմնադրության 150-ամյակը, և ներկա այցելությունը հայրենիք նույն նպատակն է հետապնդում՝ հորելյանը նշել մայրենի հողում:

Նորին Արքունիքում Գարեգին Ա. Կաթողիկոսը, իր հայրապետական շնորհավորանքներն ու օրհնությունը տալով հյուրերին, ընդգծեց, որ Մայր Եկեղեցին նրանց ընդունում է որպես իր հարազատ զավակները, քանի որ այլևս չկա հակամարտության և մրցակցության նաևապարհ, այլ կա մեկ առաջնության և միասնության ուղի: «Ուստի և պիտի աղոթեմ, որ դուք գորանաք և մեր հոգևոր արժեքները տարածեք հայ ժողովրդի մեջ՝ ներդաշնակաբար Հայաստանյայց Առաքելական Եկեղեցու և նրա Մայր Աթոռը հանդիսացող Ս. Էջմիածնի Ամենայն Հայոց Կաթողիկոսության հետ: Երկու Քրիստոս չկա, երկու Եկեղեցի չկա, այլ կան մեկ Եկեղեցու արտահայտության տարբեր եղանակները և մենք պարտավոր ենք ներդաշնակության մեջ պահել այդ առաջնությունը»:

Ավարտելով խոսքը, Վեհափառ Հայրապետը հյուրերին հանձնեց հուշանվերներ, որից հետո Վեհարանի ճաշասրահում տրվեց հյուրասիրություն:

Այդ օրը հյուրերը ներկա եղան Ս. Պատարագի արարողությանը, որի ընթացքում Վեհափառ Հայրապետը ֆարոզեց «Հունձք քաղումք են և մշակք՝ սակաւք» բնարանով: Նորին Սրբությունը հանգամանորեն ներկայացրեց առաջելուքյան ավետարանական ճշմարիտ ըմբռնումը՝ ֆրիստոնյա լինել, ֆրիստոնեարար ապրել և ֆրիստոնեությունը կյանքով տարածել: Գնահատանքի խոսք ասաց Հայ Ավետարանական Եկեղեցու 150 տարիների ընթացքում ծավալած գործունեության մասին՝ հոգևոր ավանդների մշակման, դպրոցական, դաստիարակչական և կրթական մարզերում, ինչպես նաև ընկերային ծառայության տեսակետից:

Երեկոյան ժամը 18.00-ին Երևանի ֆիլիարմոնիկ դահլիճում տեղի ունեցավ Հայ Ավետարանական Եկեղեցու հիմնադրության 150-ամյակի հանդիսավոր արարողությունը, որին ներկա էր և մասնակիցներին իր պատգամը հղեց Նորին Սրբությունը Գարեգին Ա Ամենայն Հայոց Կաթողիկոսը:

ՀԱԹԱՍՏԱՆԻ ՀԱՆՐԱՊԵՏՈՒԹՅԱՆ ԱԶԳԱՅԻՆ ԱԿԱԴԵՄԻԱՅԻ ԱՆԴԱՄՆԵՐԸ ՎԵՀԱՓԱՌ ՀԱՅՐԱՊԵՏԻՆ ՀՅՈՒՐ

Հինգշաբթի, հուլիսի 11-ին, Նորին Սրբությունը Գարեգին Ա Վեհափառ Հայրապետի հրավերով, Մայր Աթոռ Ս. Էջմիածին էին այցելել Հայաստանի Հանրապետության Ազգային Ակադեմիայի նախագահության անդամները՝ Ակադեմիայի նախագահ Ֆադեյ Սարգսյանի գլխավորությամբ:



Երկարատև գրույցի ընթացքում ակադեմիկոս Ֆադեյ Սարգսյանը և նախագահության անդամները Նորին Սրբությանը ներկայացրեցին Ազգային Ակադեմիայի գործունեության ներկայիս ընթացքը, նրան հուզող խնդիրներն ու հիմնահարցերը և նաև՝ Հայաստանում գիտության ընդհանուր զարգացմանը նպատակամղված մշակված հեռանկարային ծրագրերը:

Գարեգին Ա Վեհափառ Հայրապետը, ուշադրությամբ լսելով գիտնականներին, ընդգծեց, որ Մայր Աթոռ Ս. Էջմիածինը միշտ էլ ուշի-ուշով և հետևել հանրապետության գիտական կյանքին և մեր օրերում ավելի է կարևորում գիտության, հատկապես հայագիտության վերելքը և Ազգային Ակադեմիայի մասնակցությունը մեր պետության ամրացման գործընթացին: Նորին Սրբությունը նշեց, որ տարիներ առաջ սկիզբ առած համագործակցությունը Մայր Աթոռի և Ազգային Ակադեմիայի միջև ապագայում ավելի կամրապնդվի, և այդ համագործակցության ընթացքում Մայր Աթոռը իր կարելի աջակցությունը կցուցաբերի Ազգային Ակադեմիային:

Գիտության զարգացման հիմնահարցերին վերաբերող գրույցը շարունակվեց նաև Վեհարանի նաշասրահում տրված հյուրասիրության ընթացքում:

ԱՅՑԵԼՈՒԹՅՈՒՆ ՄԱՅՐ ԱԹՈՌ Ս. ԷԶՄԻԱԾԻՆ

Հուլիսի 15-ին Նորին Սրբությունը Գարեգին Ա Ամենայն Հայոց Կաթողիկոսն ընդունեց Հայ Կաթողիկե Եկեղեցու ուխտավորների խմբին՝ Հայաստանի Կաթողիկե Եկեղեցու առաջնորդ Գերապայծառ Ներսես Արքեպս. Տեր-Ներսիսյանի գլխավորությամբ:

Գերապայծառ Ներսես Արքեպիսկոպոսը Վեհափառ Հայրապետին ներկայացրեց խմբի անդամներին՝ տեղեկացնելով, որ ուխտագնացությունը նվիրված է Կարդինալ Աղաջանյանի ծննդյան 100-ամյա հոբելյանին:

Նորին Սրբությունը, ողջունելով հյուրերին, նշեց, որ Մայր աթոռ Ս. Էջմիածինը Հայ Կաթողիկե Եկեղեցին նկատում է որպես Հայ Առաքելական Եկեղեցու հետ միասնաբար գործող և քայլող Եկեղեցի: Միասնաբար պետք է կառուցենք մեր հայրենիքը, նրա զորացման, ժողովրդի հավատքի ամրացման համար չի կարող տարակարծություն լինել:

Գարեգին Ա Կաթողիկոսը նաև գնահատանքի քարձր խոսք ասաց Կարդինալ Աղաջանյանի հասցեին՝ նրան համարելով հայ ժողովրդի արժանավոր զավակներից մեկը:

Հանդիպման ավարտին Ներսես Արքեպս. Տեր-Ներսիսյանը Վեհափառ Հայրապետին նվիրեց Կարդինալ Աղաջանյանի հուշամեդալը:

ԻՐԱՆԻ ԻՍԼԱՄԱԿԱՆ ՀԱՆՐԱՊԵՏՈՒԹՅԱՆ ԴԵՍՊԱՆԸ Ս. ԷԶՄԻԱԾԻՆՈՒՄ


Հուլիսի 23-ին Նորին Սրբություն Գարեգին Ա Ամենայն Հայոց Կաթողիկոսն ընդունեց Հայաստանի Հանրապետությունում Իրանի Իսլամական Հանրապետության արտակարգ և լիազոր դեսպան Համիդուբեգա Նիֆթար էսֆահանդին:



Շուրջ մեկ ժամյա զրույցի ընթացքում խոսվեց հայ-իրանական հարաբերությունների մասին: Վեհափառ Հայրապետը բարձր գնահատեց երկու երկրների և ժողովուրդների միջև ընթացող այն ակտիվ համագործակցությունը, որ իրականանում է տնտեսական, առևտրական, նարտարաշինական և մշակութային մարզերում: Նորին Սրբությունը ջերմ սիրով խոսեց իրանահայ ժողովրդի մասին և ընդգծեց այն խոր հարգանքն ու ակնածանքը, որ իրանահայ ժողովուրդը տածում է սրբություն սրբոց Մայր Աթոռ Ս. Էջմիածնի նկատմամբ:

«Այդ սերը և կապվածությունը, - ասաց Գարեգին Ա Վեհափառ Հայրապետը,- դարերով, հոգևոր հաղորդակցությամբ ամրացած զգացումն է մեր հարազատ ժողովրդի զավակների մեջ: Ցանկանում եմ նրանց ամենայն բարիք՝ Իրանի Իսլամական Հանրապետության հովանու ներքո»:

Հարգարժան դեսպանը իր հերթին ևս կարևորեց Հայաստանի և Իրանի միջև զարգացող հարաբերությունները և նշեց, որ դրանք օրեցօր ավելի են սերտանում:




ՀՕՄ-Ի ԾԱՄԲԱՐԻ ԵՐԵՍԱՆԵՐԸ ՍՏԱՑԱՆ ՎԵՀԱՓԱՌ ԿԱՅՐԱՊԵՏԻ ՕՐՀՆՈՒԹՅՈՒՆԸ

Հուլիսի 26-ին Վեհարանի Հանդիսությունների մեծ դահլիճում Նորին Սրբություն Գարեգին Ա կաթողիկոսն ընդունեց ՀՕՄ-ի «Գուգարք» ճամբարի (ուր Հիմնականում Հանգստանում են զոհված ազատամարտիկների, ինչպես նաև սփյուռքահայ երեխաներ) 130 սաներին:




Ողջունելով փոքրիկ այցելուներին Վեհափառ Հայրապետը Հայրական սիրով նրանց ներկայացրեց Մայր Աթոռ Ս. Էջմիածնի 17-դարյա պատմությունը՝ եւ ընդգծեց, որ այս սրբատեղին յուրաքանչյուր Հայի հարազատ տունն է: «Ձեր այցելությանը Ս. Էջմիածինը վերաթարմանում եւ վերանորոգվում է, իսկ ձեր հավատքը՝ վերածաղկում», ասաց Նորին Սրբությունը եւ պատգամեց երեխաներին պատասխանատվությամբ եւ նվիրումով շարունակել իրենց Հայրերի գործը: Վեհափառ Հայրապետը նաև բարձր գնահատանքի խոսք ասաց ՀՕՄ-ի ծավալած բարեսիրական գործունեության մասին՝ սկսած Իդեոնի դաժան տարիներից մինչև մեր օրերը:

Խոսքի ավարտին, որպես հուշ այդ գեղեցիկ Հանդիպման, Ամենայն Հայոց Հայրապետը երեխաներին նվիրեց փոքրիկ հուշանվերներ: Ապա երեխաները մեծ հետաքրքրությամբ ծանոթացան Գանձատան եւ Մայր Տաճարի թանգարանի հոգեւոր եւ մշակութային բարձրածեք նմուշներին:



ՖՐԱՆՍԻԱՅԻ ԴԵՍՊԱՆՆ ԱՅՑԵԼԵՑ ԳԱՐԵԳԻՆ Ա ԿԱԹՈՂԻԿՈՍԻՆ

Հուլիսի 23-ի կեսօրին Մայր Աթոռ Ս. Էջմիածին այցելեց Հայաստանի Հանրապետությունում Ֆրանսիայի արտակարգ և լիազոր դեսպան Միշել Լեգրան: Սա պրն. Լեգրայի՝ Հայաստանում պաշտոնավարելու ընթացքում առաջին այցելությունն էր Մայր Աթոռ:



Վեհարանում հարգարժան հյուրին ընդունեց Նորին Արքուքյուն Գարեգին Ա Ամենայն Հայոց Կաթողիկոսը: Ֆրանսիայի դեսպանը իր խորը հարգանքն արտահայտեց Հայաստանյայց Առաքելական Եկեղեցու հոգևոր կենտրոն Մայր Աթոռ Ս. Էջմիածնի նկատմամբ և հավատ-տիացրեց, որ իր պաշտոնավարության շրջանում հարաբերությունները Ֆրանսիայի և Հայաստանի միջև առավել ևս կգարգանան:

Վեհափառ Հայրապետը, շնորհավորելով պրն. Լեգրային իր նոր պաշտոնավարության կապակցությամբ, հանգամանորեն խոսեց Մայր Աթոռի առաքելության մասին՝ հոգևոր դաստիարակչական, մշակութային և ընկերային ծառայության ոլորտներում:

Ջրույցի նյութ դարձան նաև Մայր Աթոռի թանգարանների արդիական մեթոդներով վերակառուցման անհրաժեշտության, ինչպես նաև Մայր Աթոռի և Ֆրանսիայի եկեղեցիների միջև էկումենական հարաբերու-թյունների զարգացման հնարավորություններին առնչվող հարցերը:

ԱՍՈՒԼԻՍ ՄԱՅՐ ԱԹՈՒ Ս. ԷԶՄԻԱՄԻՆՈՒՄ

Օգոստոսի 22-ին Մայր Աթոռ Ս. Էջմիածնում տեղի ունեցավ մամլո ասուլիս: Նորին Արքուքյուն Գարեգին Ա Ամենայն Հայոց Կաթողիկոսը, պատասխանելով լրագրողների հարցերին, տեղեկություններ տվեց

առաջիկայում կայանալիք Մյուռնոօրհնության, նահատակ Խորեն Կաթողիկոս Մուրադրեկյանի անյունի ի Մայր Տանար տեղափոխության արարողությունների վերաբերյալ, ինչպես նաև մանրամասներ՝ Հարավային Ամերիկայի երկրներ կատարած իր հովվապետական ուղևորության մասին:

Նորին Սրբությունը նշեց, որ Մյուռնոօրհնեքը Հայ Առաքելական Եկեղեցու կյանքում նշանակալից դեպք է. «ուխտի նման նվիրական մի արարք»: Այդ սրբազան արարողությանը ներկա կլինեն մեր Եկեղեցու բոլոր թեմակալ առաջնորդները, բազմահազար ուխտավորներ՝ աշխարհի բոլոր ծագերից: Այն նշանավորվում է նաև նրանով, որ լինելու է իր՝ որպես Ամենայն Հայոց Կաթողիկոսի առաջին և 2-րդ հազարամյակի վերջին Մյուռնոօրհնությունը: Հաջորդ օրհնությունը նախատեսվում է կատարել 2001 թվականին, որը կլինի 3-րդ հազարամյակի առաջին Մյուռնոօրհնությունը և կհամընկնի մեր Եկեղեցու 1700-ամյակի տոնակատարությանը:

Խոսելով սեպտեմբերի 7-ին կայանալիք Խորեն Կաթողիկոս Մուրադրեկյանի անյունի տեղափոխության մասին, Վեհափառ Հայրապետը ասաց. «Քանի որ Մայր Աթոռում են գտնվելու Հայ Եկեղեցու բոլոր թեմակալ առաջնորդները և կլինի համազգային և համանկեղեցական ներկայություն, որոշեցիմ օգտագործել այդ պատեհ առիթը և արժանին մատուցել մեր նահատակ Խորեն Կաթողիկոս Մուրադրեկյանի, որը զոհը եղավ համայնավար իշխանության բռնության, հիշատակին: Խորեն Մուրադրեկյան Կաթողիկոսի անյունը Ս. Գայանե վանքից կտեղափոխվի և կամփոփվի Մայր Տանարի մուտքի մոտ, ուր հանգչում են մեր մյուս երջանկահիշատակ Հայրապետները»:

Ապա Գարեգին Ա Վեհափառ Հայրապետը հանգամանորեն պատմեց Հարավային Ամերիկայի երկրներ կատարած իր անդրանիկ հովվապետական այցելության մասին՝ ներկայացնելով այնտեղի հայ գաղթօջախներում տիրող իրական վիճակը, թե ինչպես հայերը գաղթական և ախտոյալ վիճակից՝ իրենց չարքաշ աշխատանքով այժմ դարձել են այդ երկրների լիիրավ խղափարներ և շահել իշխանությունների վստահությունն ու հարգանքը: «Ամեն մի հայ ինձի թվում էր մի վեպ, պատմություն», ասաց Նորին Սրբությունը: «Երեք պետությունների նախագահների հետ հանդիպումների ժամանակ, ինչպես և այլ պետական ներկայացուցիչներին այցելության ընթացքում մեծ հպարտությամբ լսեցի նրանց գովեստի խոսքերը մեր համայնքների մասին»: Շարունակելով խոսքը, Վեհափառ Հայրապետը գոհունակությամբ նշեց կրթական բավարար վիճակի, ազգային քարերարների հայրենասիրական և քարեգործական ձեռնարկումների մասին:

Ի պատասխան «Որքանո՞վ է համապատասխանում իրականությանը՝ մեկ հայրենիք, մեկ ազգ և մեկ Եկեղեցի կարգախոսը» հարցին Նորին Սրբությունը ընդգծեց, որ հայերը միշտ էլ եղել են մեկ ազգ, մեկ հայրենիք և մեկ Եկեղեցի: Եղել են տարակարծություններ հայ ազգի ու Եկեղեցու, հայրենիքի արտահայտման եղանակների շուրջ, «բայց այսօր

մենք մեկ ազգ, մեկ հայրենիք և մեկ Եկեղեցի ենք: 1700-ամյակը մենք տոնելու ենք մեկ հանձնախմբով և ինչ որ պետք է արվի այդ կապակցությամբ, պետք է արվի մեկ Եկեղեցու կողմից: Հեզտազա տարիների ընթացքում երկխոսությունների և քանակությունների միջոցով Ս. Էջմիածնին կվերադարձվեն այն թեմերը, որոնք պատմականորեն պատկանել են Մայր Աթոռին»:

Ասուլիսի ընթացքում խոսվեց նաև նահատակ այլ հոգևորականների սրբադասման հարցի շուրջ: Այդ կապակցությամբ Նորին Սրբությունը նշեց, որ Հայ Եկեղեցին կեռչակի սրբադասման հատուկ տարի և այդ առիթով կանցկացվեն բնարկումներ՝ որոշելու անհատների՞ն պետք է սրբադասման արժանացնել, թե՞ բոլոր նահատակներին միասին: Վեհափառ Հայրապետը տեղեկացրեց, որ այժմ, օգտագործելով պահպանված արխիվային նյութերը, հրատարակության են պատրաստվում գրքեր՝ նվիրված նահատակ հոգևորականների կյանքին ու գործունեությանը: Այդ հրատարակությունները կդառնան լավագույն դասագրքերը մեր ապագա սերնդի համար:


Ջրույցի ավարտին, ի պատասխան լրագրողի այն հարցին, թե ինչպես է Վեհափառ Հայրապետը վերաբերում նախագահական ընտրություններին, Նորին Սրբությունն ընդգծեց, որ ողջունում է այն երևույթը, որ ներկայիս ընտրությունները տեղի են ունենում ազատ, ժողովրդավարական պայմաններում և վստահություն հայտնեց, որ դրանք կընթանան ընդունված օրենքին համապատասխան:

ՎՐԱՍՏԱՆԻ ՄՇԱԿՈՒԹԹԻ ՆԱԽԱՐԱՐԸ ԱՅՑԵԼԵՑ ՄԱՅՐ ԱԹՈՒ Ս. ԷԶՄԻԱԾԻՆ

Օգոստոսի 30-ին Մայր Աթոռ Ս. Էջմիածին այցելեց Վրաստանի Հանրապետության մշակույթի նախարար Վախթանգ Ասաթյանին: Վեհաբանում հարգարժան հյուրին ընդունեց Նորին Սրբություն Գարեգին Ա Ամենայն Հայոց Կաթողիկոսը: Ջերմ ու անկեղծ գրույցի ընթացքում Վեհափառ Հայրապետը, անդրադառնալով հայ և վրացի ժողովուրդների դարերի խորհից եկող բարեկամությանը, նրանց պատմական հարուստ անցյալին, նշեց, որ պատմության տարեգրության մեջ մեր երկու ժողովուրդների եղբայրության շատ գեղեցիկ և հարուստ էջեր են գրվել և դեռ պիտի գրվեն: Սակայն սխալ է անցյալով մխիթարվել միայն: Ապավինելով անցյալին՝ պետք է վերանորոգել մեր բազմադարյա բարեկամությունը, գործակցաբար առաջ տանել պատմության անիվը: «Մենք ապրող, ապագային նայող ժողովուրդներ ենք, - ընդգծեց Նորին Սրբությունը, - և դեպի ապագան պետք է նայենք գործակցաբար, ֆանդի գործակցությունն է համերաշխության, ժողովուրդների առողջ փոխհարաբերությունների զարգացման գրավակներ»:

Իր համերաշխությունն արտահայտելով Վեհափառ Հայրապետի

խոսքերին պրն. Ասաթիանին խոսեց հոգևոր ոլորտի բարփոխությունների մասին: Պրն. Նախարարն ընդգծեց նաև, որ երկու ժողովուրդների բարեկամական հարաբերությունների զարգացման գործում իրենց մեծ ներդրումն ունեն հոգևոր առաջնորդները:



Վերջում փոխանակվեցին հուշանվերներ:

Հանդիպմանը ներկա էին Մայր Աթոռի դիվանապետ Ներսես արքեպս. Պողոսյանը, Վրաստանի մշակութային գործիչներ:

ՄԱԿ-Ի ՆԵՐԿԱՅԱՑՈՒՑԻՑԻՉԸ ՄԱՅՐ ԱԹՈՒ Ս. ԷԶՄԻԱԾՆՈՒՄ

Օգոստոսի 31-ին Նորին Սրբություն Գարեգին Ա Ամենայն Հայոց Կաթողիկոսն ընդունեց ՄԱԿ-ի Գլխավոր Բարտուղարի տեղակալ, Բմրադեղների վերահսկման ծրագրի գործադիր տնօրեն Ջորջիո Զիակոմելլին և նվրոպայի և Մերձավոր Արևելքի բաժնի պետ Բերնարդ Ֆրահիին:

Զրույցի ընթացքում Պրն. Զիակոմելլին Վեհափառ Հայրապետին ծանոթացրեց իրենց ծավալած գործունեությանը: Վեհափառ Հայրապետը, ողջունելով գրասենյակի մարդասիրական ձեռնարկները, ընդգծեց, որ նկեղեցին ևս իր առաջնության մեջ կարևոր տեղ պետք է հատկացնի Բմրամուկության դեմ պայքարին: Այդ պայքարի մեջ Նորին Սրբությունը կարևորեց նաև լրատվական զանգվածային միջոցների դերը՝ Բմրամուկությունը կասեցնելու ուղիներից մեկը համարելով երիտասարդական կազմակերպությունների դրական աշխատանքի և գործունեության ֆաջալերումը եկեղեցական, պետական իշխանությանց և մամուլի կողմից:

ՄԱՍԼՈ ԳԻՎԱՆ ՄԱՅՐ ԱԹՈՒ